



Obxecto:	Informe sobre <i>Estudo de Impacto sobre o Patrimonio Cultural. Anexo Memoria Técnica.</i>		
Proxecto:	<i>Parque Eólico Serra de Liñares (Negueira de Muñiz e A Fonsagrada. Lugo).</i>		
Promotor:	AV Monte Festeiros, S.L.		
Remitente:	Xefatura Territorial da Consellería de Economía e Industria da Delegación Territorial de Lugo.		
S/Clave:	Lu-11/146.EOL	<b>REGISTRO XERAL DA XUNTA DE GALICIA</b> REGISTRO XERAL SANTIAGO DE COMPOSTELA	
Exp. Do Servizo de Arqueoloxía:	03.I.393.2012.001	SAÍDA 44313 / RX 154300	

Data 21/12/2012 12:39:22

## ANTECEDENTES E FEITOS

En data 17.08.2012, ten entrada na Dirección Xeral do Patrimonio Cultural, un escrito da Xefatura Territorial de Economía e Industria de Pontevedra, pola que se achega e papel e en soporte CD, e se solicita informe, o documento *Estudo de Impacto sobre o Patrimonio Cultural do Parque Serra de Liñares (Concellos de Negueira de Muñiz e A Fonsagrada, Lugo). Anexo Memoria Técnica.*

O 14.09.2012 o director xeral do Patrimonio Cultural, remite á Xefatura Territorial de Economía e Industria de Pontevedra, informe relativo ó documento *Estudo de Impacto Ambiental do Parque Eólico Serra de Liñares*, no que se establecen as seguintes consideracións en relación co patrimonio cultural:

En relación cos posibles xacementos arqueolóxicos **REF-001 (posible túmulo) Chan do Arco** e **REF-002 (posible túmulo) Pico do Seixo**, é necesario a realización de traballos arqueolóxicos complementarios de cara a unha correcta caracterización arqueolóxica dos mesmos. En base ós resultados das actuacións arqueolóxicas, a Dirección Xeral do Patrimonio Cultural, como organismo competente na materia, decidirá sobre a conveniencia de establecer outras medidas de protección.

## CONSIDERACIÓNS LEGAIS E TÉCNICAS

1. Lei 8/1995, do 30 de outubro, do patrimonio cultural de Galicia (DOG núm. 214, do 08.11.1995)
2. Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia (DOG núm. 150, do 06.08.1997)
3. Decreto 337/2009, do 11 de xuño, polo que se desenvolve a estrutura orgánica da Consellería de Cultura e Turismo (DOG núm. 125 do 29.06.2009)

A documentación remitida pola Xefatura Territorial de Economía e Industria de Lugo, *Estudo de Impacto sobre o Patrimonio Cultural do Parque Eólico Serra de Liñares (Concellos de Negueira de Muñiz e A Fonsagrada, Lugo). Anexo Memoria Técnica*, contén as precisións solicitadas, en relación cos posibles xacementos arqueolóxicos **REF-001 (posible túmulo) Chan do Arco** e **REF-002 (posible túmulo) Pico do Seixo**, polo director xeral do Patrimonio Cultural no seu informe do 14.09.2012. De acordo con esta nova documentación, asinada polo arqueólogo Santiago Vázquez Collazo, pódense facer as seguintes consideracións:

- **REF-001 (posible túmulo) Chan do Arco.** Aínda que presenta certos caracteres que fan pensar nun ben arqueolóxico, a presenza de afloramentos con marcas de extracción de pedra poderían indicar que se trate dos restos dunha antiga canteira. Asemade, débese ter en conta que a afección se xeraría polos traballos de acondicionamento do vieiro existente, e a apertura da gabia de cableado. Neste sentido se debe sinalar que ditas obras de acondicionamento (rectificación dunha curva do vieiro existente) se realizarán nunha zona actualmente asfaltada, e que polo marxe N de dito vieiro discorrerá a gabia de cableado, por unha zona xa escavada e modificada pola extracción de xabre.
- **REF-002 (posible túmulo) Pico do Seixo.** Logo da inspección exhaustiva realizada coa zona máis libre de vexetación, conclúese que o elemento **REF-002 Pico do Seixo** non é un xacemento prehistórico.

## INFORME:

- En relación coa **REF-001 Chan do Arco**, aínda que non esta clara a súa natureza arqueolóxica, as obras de acondicionamento do vieiro e a apertura da gabia de cableado realizaranse nunha zona xa alterada e remexida, posiblemente durante os traballos de construción de dito vieiro.
- A **REF-002 Pico do Seixo** non é un ben arqueolóxico, polo que non forma parte do catálogo de bens do patrimonio cultural do estudo de impacto ambiental do parque eólico.



XUNTA DE GALICIA

CONSELLERÍA DE CULTURA, EDUCACIÓN  
E ORDENACIÓN UNIVERSITARIA

Secretaría Xeral de Cultura

Dirección Xeral do Patrimonio Cultural

Edificio Administrativo San Caetano. Bloque 3 -2º  
15781-SANTIAGO DE COMPOSTELA  
Teléfono 981 54 54 00

galicia

Tendo en conta o anterior informase favorablemente o documento *Estudo de Impacto sobre o Patrimonio Cultural do Parque Serra de Liñares (Concellos de Nequeira de Muñiz e A Fonsagrada, Lugo)*. Anexo *Memoria Técnica* coas seguintes condicións a incluír na correspondente Declaración de Impacto Ambiental:

- Deberá realizarse un **control e seguimento arqueolóxico** durante as fases de replanteo, de execución de obra e de restitución dos terreos, en todo o ámbito do parque eólico. A tal fin, e previo ó inicio das obras, se elaborará un proxecto arqueolóxico que terá que ser autorizado por esta Dirección Xeral do Patrimonio Cultural.
- O proxecto deberá recoller as medidas correctoras incluídas no EIA, no informe desta Dirección Xeral do Patrimonio Cultural do 24.09.2012, e na addenda obxecto deste informe.
- Coma **Anexo** ó proxecto arqueolóxico, deberase recoller, na **cartografía** empregada polo persoal da obra durante o transcurso da mesma, un plano no que figurarán as **áreas de risco arqueolóxico**, coa localización dos **elementos** do Patrimonio Cultural xunto coas súas **áreas de cautela** (obxecto do control e seguimento arqueolóxico). Dito plano incorporará os textos necesarios para a súa comprensión.

Santiago de Compostela, 19 de decembro de 2012

O director xeral do Patrimonio Cultural



Jose Manuel Rey Pichel

Xefatura Territorial da Consellería de Economía e Industria. Delegación Territorial de Lugo